

天
啓
滇
志

滇志卷之十八

藝文志第十一之一

噫甚哉文獻之不足無若滇也先秦邈矣西京而下凡涉西南者卽入採撫誠若商彝周鼎然唐及勝國猶然秦鏡金狄僊人承露盤也

國家二百六十稷繇敷定以迄莫安

祖宗列聖文教相承若麗天之為日星麗地之為山川有倫有要有典有則固不必緬想秦漢而怨宋代泥封使茲文之隔閼也而海內哲匠宗工神化所及經緯有章炳炳烺烺既極著

當今之盛生茲土者亦翕然向風爭相磨厲力追良

史更兼思金玉之音心豔賦才擬更置蕃牆之筆
其人又未始乏絕焉李氏為進往詔來揚幽閭隲
考治亂之桀堯得失之原繹經營之功尋遊覽之
迹皆賴之包氏謂勞臣戰將循良英哲忠孝節義
騷人墨客所藉以不朽者皆紀載之力又曰其人
不必演其事必演也其人卽演而其事亦必演也
而其文乃入之成其為演之藝文而已矣今取兩
志所列出入之數癸酉至癸卯二十餘年文與詩
不下百十餘篇癸卯抵今二十餘年乃倍蓰焉則
斯茲興在其興起之人月異而歲不同可知矣凡
出名家若奏疏若詩若文自有全書行於世茲所

採不越十百之一二其出滇人士之筆亦據耳目
所觀記若夫秘而不傳及遠莫能致者恐尚多也
總之刻在公府者或木腐而出生流傳人間者或
時久而散佚至於象刻更為罕希或文士多貧殺
青無力或後事寂寞遺藁浮沉今亦取諸見在而
已矣續有所獲付之校遺不及以俟後世後世賢
人君子

遺文

漢陸賈南中行記

見崇文總目及上海一卷

李膺益州記

見後漢書註二卷

盛覽賦心十卷

楊終子山哀牢傳

見王允論衡一卷

晉常璩南中志

附華陽志一卷

稽含南方草木狀

見晉書一卷

唐韋臯西南夷事狀

貞元中進十七卷

袁滋雲南記

元和十三年進五卷

雲南風俗記

見崇文總目一卷

韋齊休雲南行記

長慶三年進二卷

樊緯雲南志咸通中撰十卷

南蠻記十卷

徐雲虔南詔錄乾符五年撰三卷

竇濠雲南別錄叙南中風土一卷又行記一卷

李德裕西南備邊錄叙兵將糧械城鎮搜討之目十三卷

僧法盛西南蠻入朝首領記見唐書

張周封華陽風俗錄字子望李德裕從弟一卷見唐書

鄭璋益州理亂記三卷見唐書

宋李克益州記見玉海二卷

辛怡顯天禧雲南錄元禧元年三卷

元郭松年南記行記一卷

李京雲南志畧

大德五年撰四卷

張道宗古滇說原集一卷

王彥高文集

昆明王昇著

本朝張純雲南機務抄黃

自洪武十五年至二十一年平定雲南詔語制

初撰載一卷

王全雲南稿

韓宜可雲南稿二卷

楊節仲黔寧稿

楊慎滇程記一卷

滇產記一卷

滇載記

載九隆世族及張蒙鄭趙楊段高七氏名號之起末蓋取諸白古通玄峯

朱運志而刪
正之為記云

丹鉛總錄

梁思聰百夷傳一卷

康麟雅音會編順德人巡按雲南刻十一卷

劉禹武經直解四卷

標幽賦一卷

陳善野南類編十卷

田汝成炎微紀聞三卷

劉維班馬異同

莊義要刪

表忠祠志巡按雲南音刻

蕭彥撫滇疏草

陳用賓滇南珍穰備考

李本固南中行役錄

李炳闇然堂集

郭渠炎徵瑣言

上下二卷

鄧原岳文選

李善註

碧鷄集

一卷

施余東軒稿

蘭茂安邊策條

玄壺集

碧山樵唱

四言碑金

孫維魯事宜

卷十二

施聖禮記疑問

石橋記開

劉輔虛湖稿

郭斗存稿

龍施田園雜興

林臯漫興

高任重瑣談

楊輔篆類宗源

吳懋南霞集

乘槎集

標榆檀林志

楊士雲皇極解

律呂解

味史詩

高昂太壹集

李素南崖

李元陽中溪集

雲南通志

吳光猷樂天集

董維鳳唱集

四處人
和隱士

苑啓樂府

明雋

張西銘錫軒稿

楊鼎南詔通紀

羅鑄訥軒集

張繹東崖日抄

王述未讀史管見

楊僕肅菴奏議十卷

萬文彬南垣疏草

張獻卿岐山稿

龔達璧理說折衷

蕭崇業奏議

重使琉球錄

張志淳南園集

二芳集

南園漫錄

楊元納甲圖

九圭數

萬倫尚憲集

張含禹詩十卷

丁昶公餘清韻

石畱孫養堂稿

幸聯登載籍擇言

周嘉謨撫滇疏畧

鄧漢南中奏牘四卷

南中集二卷

毛堪滇中疏畧二卷

郭文舟屋集一卷

曹愈參撫滇奏畧三卷

張薰白業樓詩四卷

包見捷通志草二十四卷未刻

艾自新希聖錄一卷

嚴清永玉堂稿二卷

馬繼龍梅樵詩 二卷

閔洪學撫滇奏草

朱泰禎南中小草 十卷

大理府志 四卷

臨安府志 四卷

永昌府志 四卷

楚雄府志 二卷

曲靖府志 四卷
未刻

潯江府志 二卷

蒙化府志 三卷

鶴慶府志 三卷

邠安府志 二卷

廣西府志 四卷

尋甸府志 二卷

武定府志 三卷續武定志一卷

安寧州志 四卷未刻

鄧川州志 二卷

趙州志 一卷

騰越州志 三卷

昆明縣志 二卷

祿豐縣志 一卷未刻

浪穹縣志 一卷

御製類

唐玄宗勅雲南王蒙歸義書

勅西南蠻大帥特進蒙歸義及諸酋首領等卿進邊境不比諸蕃率種歸誠累代如此况卿等更効忠赤朕甚知之頃者諸酋之中或有携二相率自討惡黨悉除即日蕃中應且安帖然則臨地外境亦須有賴人無遠慮必有近憂卿可思之豈虛語也所有蕃中事意使者具知悉秋涼卿及百姓並平安好遣書指不多及

復勅雲南王蒙歸義書

勅蒙歸義吐蕃於蠻擬行報復又雋州鹽井本屬國

象中間被其內侵近且始獲恢復得御彼番落亦因其
知此番惟利是貪數論鹽井此有信使類以為詞今
知其將兵擬侵蠻落兼擬取鹽井事似不虛國家與
之通和未嘗有惡今既如此不可不防卿卽舉達奚
守珪部落團練候其有動方可出兵必無事縱亦不
得先舉萬州相去道里稍遙若有驚急復須為援紐
委卿與達奚守珪計會無失事宜卿于團盡誠存邊
為捍委寄得所朕後何憂秋中漸涼卿及首領百姓
並平安好今故令內給事王承訓往一布口具道書
指不多及

勅首領羅望書

勅故姚州管内太倉長卿榜時嫡孫將軍羅聖卿
之先祖輸忠奉國遠聞徂逝深愴於懷言念遠人必
藉綏撫又通蕃界兼資鎮遏卿宜續承先業以副朕
心故遣宿衛首領王白于姚州都督達奚守珪訪會
就彼弔慰俛授卿襲浪邕州刺史并賜綾二匹恩至
宜領取秋中已涼卿及首領已下并平安痊遺書指
不多及

勅安南首領歸州刺史爨仁悲書

勅安南首領歸州刺史爨仁悲潘州刺史潘明威獠
子首領阿迦和蠻大鬼王孟谷悞姚州首領左威衛
將軍爨彥徵將軍昆州刺史爨歸王南寧州司馬威

州刺史都大鬼王囊崇道昇麻縣令孟聘卿等雖在
僻遠各有部落俱屬國家統識主化比者時有盜賊
似是生搜及其審察亦有事緣成都耀武嚴置有
失或朋讐相嫌經營擄害既無懷告自不安寧兵戈
相防亦不足深怪也然則既漸風化亦當變俗有須
陳請何不奏聞著中事宜可具言也今欲遣撥建令
安道詣彼宣問竝令口具有不穩便可一一奏聞秋
中已涼卿及百姓已下竝平安好遣書指存筴及

勅南詔清平官書

勅南詔清平官段諾愛李附覽爨何棟供輔首段谷
普李昇傍鄭蠻利等段史倚至知異牟尋喪進腹以

義重君臣情深軫悼卿等同竭忠謀佐成休績永
及此喜慰良深勉于今圖以副遐矚今遣諫議大夫
兼御史中丞段平仲持節冊命閣勸想當悉之卿等
各有少信物具如別錄至宜領也春寒卿等各得平
安好遣書指不多及

勅南詔清平官書

勅段琮傍段胥琮獨棟揚遷趙文奇蒙善政李守約
等各蘊器能夙懷忠義宣功爾室質理本邦禮樂具
修車書必會勵輸忠之節操披嚮化之誠明亟步道
途遠遵識者威儀就列同慶於三朝匡匡老成有勸
於萬里道光殊俗禮慕辛風克成君長之賢深見佐

臣之美勞忠可尚鑒寐寧忘勉守令圖用慰遐矚得
前舊州錄事參軍陳元舉男播扶柩定安弟承等二
十七人自太和三年沒落有彼秦蒙連索詳其語盡
切在感傷朕思骨肉之情人倫所及家鄉一異音耗
兩亡生死莫知幽明同怨為人君長深用軫憂今與
豐佑書中具言其事卿等職當毗贊義重君臣執之
何補於良圖歸之尤重于交好想同參議用解幽寃
今賜少信物具如前數

本朝

太祖高皇帝諭雲南詔

洪武八年詔曰朕聞順天者昌逆天者亡古今遠論

禍福常理也朕起自草萊削平群雄戡定禍亂今已
七年中夏旣安四夷多附絕無強凌弱衆暴寡所以
臣順於我者得遂其生共享和平之福惟爾雲南王
某乃元君遺派受封西南孤處遐荒猶未臣服以若
所為非貽患于大理之民必自致喪身滅姓于大理
之手二禍之機必有其一不可逃者何也蓋雲南土
地人民本大理所有自漢通中國稱臣朝貢至唐宋
皆受王封其來久矣昔因爾元滅其王而統其地及
今百年無有復其故物者邇來元祚傾覆已盡爾尚
力據其地不還大理自王果欺人乎欺天乎人雖可
欺天不可欺禍患之報將不旋踵至矣今特遣爾親

族咸順玉親往闕諭如果上順大理下契人心卽載
貢來庭不然朕當親遣使者直抵大理仍賜唐宋所
封舊號令彼爲王合兵增討悔將何及於歟胡虜無
百年運今已足信人心轉移之機在人自審而已特
不可失爾其思之故茲詔示想宜知悉謹此

諭大理詔

洪武八年詔曰始際有元失馭海內雲擾華夷無其
朕近自洪武元年戊申秋八月羣雄盡平復我漢祚
故國統一中夏今經七年四夷諸國皆已通報無在
稱臣入貢惟爾大理不見國王名號未嘗遣使今年
秋翰林承旨魯同奏閱羣書方見西南大理昔在唐

宋受封王爵為元削去國名止稱土官其國乃元君
遺派梁王者主之至今未得為王朕會臣僚議依唐
宋所封以爾段氏為大理國王未知信否故特遣官
先行往諭如果遵依朕命使回卽再遣使者專齎寶
印誥命令爾君臣開設國事同享承平之福如果不
然他日會兵雲南未知勝負何如爾其審之欽此
賜西平侯沐英復姓誥

洪武十年誥曰曩者朕於擾攘之時年已二十有五
尚未生兒女爾沐英因兵亂受厄父母不可復會爾
是時八歲而逢難罔知存活朕憐其孤而且幼特撫
育如兒夜臥同榻數番酣睡於朕懷後因吾有諸子

爾亦長成以人情天理度之不晦爾名使從爾姓祀
爾祖宗嗚呼推仁窮理特釋患以提携今也不忘爾
孩童之狀吾無異於爾父蒙蒙環顧於左右俄而思
起若是猶動首育之心念昔以爾為子今有微勞特
貴爾為西平侯爾蒙幸逢之初會休忘釋難之思夢
寤神交則鬼神知報矣嗚呼扶顛持危惟仁者之爲
知報不忘獨君子之道修其若寃心利濟永爲多福
吉哉欽此

再諭雲南詔

洪武十六年詔曰曩因元政不綱豪傑縱橫朕提師
旅與之征驅十有二年然後命征虜大將軍平華要

諸將四征五年中原是平萬姓寧家紀年已十五年
矣惟爾烏撒烏蒙東川芒部建昌等處抗命弗庭况
雲南梁王誘我邊士因是發征南將軍穎川侯傅友
德副將軍永昌侯藍玉西平侯沐英率三十萬衆問
爾西南諸蔑之罪十五年正月初一日將軍穎川侯
等報至言雲南等處盡行剋復今特遣使齎詔諭爾
雲南烏撒烏蒙東川芒部大理建昌水西普定等處
人民今後敢有不遵教化者加兵討平之有事取
列於後於戲春秋之義罪重者釋有罪而納逋逃爾
雲南王及諸夷酋長宜其然乎故茲詔諭欽此
勅諭穎川侯傅友德永昌侯藍玉西平侯沐英往往

人來皆說各處守禦衛分好生無糧以朕速料雲南
莫若大將軍撥下山守雲南大理楚雄臨安曲靖普
寧其身子裏守禦處所如東川芒部烏蒙除烏撒見
守少存其餘且休占住軍都發去廝殺等得蠻子畏
服了然後將東川衛於七星關南一日半烏撒往北
一日半立爲一衛今東川人民供給其烏撒今烏撒
人民供給務要歲足軍食七星關立一衛或烏蒙或
芒部合令那處蠻人供給務要歲足軍食自永寧迤
南至七星關分中割一衛今六詔翠寧等蠻人等供
給務要歲足軍食若如此道路易行軍士勢排在路上
有事會各衛官軍勦捕若分守各處深入萬山蠻

人生變頃刻道路不通好生不便符至之日諸將當
美飲食撫軍士將諸蠻盡行平定方敢旋師如勅奉
行

勅總兵官征南將軍顏川侯西平侯

徐保至京方知大軍七月二十八日已圍烏撒俘獲
次第見按林箐諸蠻四散逃去然此烏蠻之地山多
徑險必深謀遠慮將永昌平涼安陸三侯王張郭三
都督諸處軍士會於一處所在山林布滿搜索則諸
蠻無所逃矣近人自七星關來說芒部烏撒二處蠻
人寅夜持火照道挈家盡逃入雷翠地方避難符至
可著令務要蠻人獻將出來其關索嶺路非古正道

又在西北西南甚是不隘人馬徑行必兼大軍蕩滌
彼處蠻賊開路此路已接普定其芒部必當盡獲首
目前來如勅奉行

勅諭總兵官征南將軍顏川侯西平侯

雲南地方糧食生受各處安放軍衛務要活落調遣
庶使軍官軍人不致艱辛若安頓不如法大軍一回
諸夷作亂人少難以制伏若差去舍人至軍中須要
把逃軍的緣故說與各處守禦軍士知道這蠻人地
面東凡在逃軍人但下路的不曾有一個出得來都
被蠻人深山裏殺了不殺的將本墩子墩了殺與他
種田差去舍人到時可即將藍玉費聚吳復王張郭

三都督幾個領軍的會做一處按山殺蠻軍勢即大
蠻人地方窄狹可以擒獲無糧處林殺軍今止於赤
水這一衛軍節立一衛七星關立一衛黑張迤南瓦
店迤北分中立一衛如此分布守定往來雲南便益
其水西獨翠地方必會十萬之上軍數踏盡了然後
方是平地此等料度皆是我座家說的不知可行不
可行軍中自從其便如勅奉行

勅諭總兵官顧川侯永昌侯西平侯及平涼侯安陸
侯知道

六月初八日貴州都司文書至京師知盤江路道上
未通行兼說目下並無升合口糧如此艱辛符到之

日將各處守城寨官軍若無糧用時且將城寨不守
盡數出去會做一處將那有糧寨人都打了取糧用
休因守不背那移久後軍馬饑荒了符到水西留四
百守城看雷翠變也不變普定雲南也如此將水西
普定應有軍馬都會一處每日去變子住處攻打要
糧用他那有工夫去打我空城只這般依著如勅奉
行欵此

論總兵官

雲南之地古與中國相去不甚遠止是山險阻其土
產不厚以此歷代馭是方艱今雲南雖得就中糧食
艱辛近聞永昌侯軍先出溫飯食糧優養其意甚好

又不知於瀘叙可過幾時若軍往瀘叙不久欲過曲
靖等處糧食秋收又不知幾何地理土民可供幾何
通候食至明年新運糧交通可以放心不然若所收
不及所用大軍既回民人不供將徒廢前日之勞每
人來說亦子九寨人民寧通四川時險不當差撥今
遍自大軍雲南一行此等中途多損傷軍士甚是不
浚前過今次莫若將軍回越時於內食踐糧食一冬
將彼軍中人擒獲些出來使之畏懼又且聲勢雲南
守禦來春軍回休食瀘叙軍糧故茲勅諭

諭征南將軍總兵官顏川侯傅友德副總兵永昌侯
藍玉西平侯沐英知道

近於六月中旬遣歸車里使臣遣官問門雲南老人
皆說死可伐地方三十六路元朝時都官後被蠻
人奪其地已四十矣近聞雲南大理不和其蠻又侵
楚雄西南邊遠幹戚遠二府梁王無力克復至今蠻
占以此觀之雲南不可不備邊機密回軍一節可遲
可速自當待細若死可伐不必備大軍可回軍回時
其道中亦子九寨戎縣地面五村大壩上下落鄉十
池等處及黃平羅木洞蠻竊翠佑下阿呂兩宗碑瓦
得阿胡阿遣等等助為微殺害軍民的這幾大軍既
回經錄便路合就勢畧加以威如何可施行其事如
不可收兵撫恤了便過大軍必從黃平辰沅岳州

直至武昌有船隻載回故茲勅諭

諭總兵官征南將軍額川侯傅友德副將軍永昌侯
藍玉西平侯沐英

近有人來言及回軍一節朕即深思復料曲靖等處
糧儲雖目前可以支吾其冬春未見善謀假使曲靖
所下種子八百餘石驗種得糧不過收稻八千餘石
止得四十餘擔石以守禦軍士每軍一月約用三斗
給之不滿四月自八月食糧起至十一月終糧盡矣
欲接明年夏麥尚有六個月無糧相接未審那軍以
何充腹今符前去爾諸人議有糧軍回雲南無後患
若守軍無糧大軍既回其守軍必逃軍逃日久城中

皆虛靈人知其所以其患復作事難制矣以今之計
大軍既出在外邊臨雲南甚有生硬地方大軍可於
彼哨糧養口以候都郡收集糧米接著明年夏麥大
軍方面是其妙也不然未善符至多方穩當方可故
茲勅諭

諭征南將軍額爾侯永昌侯西平侯

舊歲命爾等率甲士三十萬南征諸夷兵臨普定如
風行行上所以去後還昂致有少疵及至入雲南之
城擒酋帥於內靖之而敗烏爨於可渡之北席捲豪
英長驅於碧鷄金馬來云已駐紮所未幾捷音捷堅
敵於黔蒼山下而撫金沙邏邏心悅者其金酋不戰

而率土以歸於是雕題之蠻聞知即遣使入貢以再
而獻生口擬從百歲之種咸來八伯之邦將軍其勞
至矣然功並亘古勲著彤庭英風遍播於華夷丈夫
至是豈不以顯父母揚名者矣今也勤勞既多欲勞
以飲用柰山川嶮遠不及赴特以朕心勞之其勅
然耶故茲勅諭

特諭雲南平詔

洪武十六年詔曰朕荷

上天眷佑

海嶽効靈

祖宗積德自即位以來十有五載寰宇全歸于版籍

惟西南諸夷為雲南梁王所惑時其險遠弗遵聲教
特命征南將軍穎川侯傅友德副將軍永昌侯藍玉
西平侯沐英率甲士三十萬馬步並進罪彼不庭大
軍既臨渠魁盡復雲南已平詔告天下臣民共知於
戲福民永已聖賢之為逆天違命報禍殃民身家被
罪惟西南諸夷應之故茲詔諭歟此

復諭雲南詔

洪武十六年詔曰自有元失馭羣雄並起聲教異為
烝黎各擅是致廢興疊出民不聊生朕秣馬厲兵於
江左控弦三十萬以觀諸雄久之羣雄無成乃命征
虜大將軍平元都肅清華夏奠安黎庶邇年以來士

不彎弧焉牧平原農耕有餘人皆樂福惟爾西南諸
夷竄遁聲教恃險弗庭納通逃匿有罪坐受西川之
任肆侮中華凡我朝臣孰不忿恨是以特興問罪之
師今雲南既平諸夷服從故詔諭以更生之思所有
事且條列于後於戲知天命者福臻昧天理者禍至
信如四遠和影響播告諸夷想宜知悉欽此

再諭潁川侯傅友德永昌侯藍玉西平侯沐英勅
洪武十七年勅曰雲南之地稽古之典氣厚風和人
民尚兵上中以爲遐荒中古禹蹟所至以別水土故
地屬梁州之域自漢隋唐三代皆中國所統曩元既
有其省數出名臣望重者鎮之今將軍等率精兵前

進不踰百尺而取之若非名望重者守之愚下之輩
未可託也今特命汝南侯梅思祺平章潘允明二大
臣暫署雲南承宣布政使司布政使事定之後除官
替回故茲勅諭欽此

諭雲南等處承宣布政使司在叅政張純勅

唐虞之制外樹州牧侯伯撫奠民居人樂雍熙載諸
方冊雖不備述簡畧見焉當是時賢良並出所命皆
仁所以君有易位而法令不更諸使列土千載而不
異以其誠信相孚上下亦然也吁今之人不然導善
弗從縱欲如流之趨下朕起寒微出望外而統天下
竭氣語疲精神論人為善從者罕焉是其難治也且

如內而中國外而四夷今九州十二牧官既命數遠
號全未見其人西南諸夷自生且端發兵除平命官
撫守爾張純者首行今五年矣言出則諸蠻耳入令
布則誠信相孚真安黔南亦五年矣今年來朝不待
考而朕知功居考內出九州十二牧守首惟純為最
復命仍治黔南汝往欽哉

諭雲南布政司左叅政張純左叅議韓鑰勅

洪武二十三年勅曰古之尚志之士必立身行道而
道行名成而後已所以然者何貴身榮家以顯父母
鄉勅賢人之道方始當日首月覺以觀下愚造致身
之計今命卿西南方面重任君子道興之所然且雲

南諸夷雜處之地若欲治安非出羣之才不可卿必
忠可格天誠可會天生靈是幸故茲勅諭欽此

勅諭西平侯沐英吉安侯陸亨平涼侯費聚南安侯
俞通源都指揮寧正楚雄指揮袁義大理指揮鄭
祥品甸指揮賴正孫金齒指揮李觀儲傑等

近聞李原名自平緬歸朕靜聽敷陳百夷事情其詞
不下萬言言無倫叙及有叙處皆百夷詭詐萬端雖
數千里言竝無一語可信者錄是觀之此蠻夷甚有
窺伺之謀或早或晚必有擾邊之患勅符到日晝夜
緝壘金齒楚雄品甸及閩滄江中道務要城高濠深
排柵麓大每處火銃收拾壹貳千條或數千百條

雲南有造火藥處星夜剪熬以備守禦凡來勿輕戰
相機必勝乃出前者雲南初下軍中差人與百夷往來
所去之人以今觀之皆是貪財好利小人不知事勢
輕重一槩張威貽笑諸夷邇來靖江不才用大理印
行令旨前去去人皆非道理以致上累朝廷下被汙
辱以此觀之自今以後平緬並不許一人差往靜以
待之彼未有文止答大槩數句若無文人至毋與較
論其差發之物並不許取如此數年麓川之地可入
版圖矣固守此言毋得輕與往來中彼悔慢絕跡不
交默然不動彼無策矣故論

諭金齒指揮儲傑嚴武等九員

金齒遠在邊徼士民不遵理法負固守險人各自保
者多非比中原循五教之民人皆生拘戍守其地非
德重名播者不足以重其地而撫其人指揮李觀名
播蠻中諸夷懷德所以命守金齒以掌其事為此也
餘發不才之人集數不下萬餘皆奸儒猾吏累犯不
俊之徒非易制治者也况所發軍官指揮千百戶鎮
撫到者數亦不少此等皆恃功效肆之徒若以李觀
行號令制服豈不難哉朕所用李觀用德而用名若
欲行號令制服恃功效肆之徒必儲傑叢武等嚴加
號令而制服之則易方乃金齒固守不然儻失機悞
事則儲等不得無罪勅符到日若如命練軍卒教因

徒深溝高壘觀平緬之動靜庶可守城之道練因為
兵驗定人數各守地方每丁實存地幾尺幾丈務要
分派精明其因軍僮有專憑口舌不奉軍法即斬之
符至之日將發到指揮千百戶鎮撫舊軍整點見數
分派各官官跟隨出入故勅

諭曲靖軍民府署益州

洪武二十一年三月十六日辰時抄蒙右軍都督府
書填內府襍字一號勘合批差鎮撫成謹到州為軍
務事比對勘合相同該洪武二十一年二月初十日
本府僉都督王成等官於奉天門早朝欽奉

聖旨右軍差舍人前去播州水西烏撒烏蒙露蓋尋

甸建昌武定馬湖各各土官處說知祿肇不肯當差
芒部東川白夷私通已差阿奴亦結暗地往來要與
我每廝殺不想東川芒部討得分曉了亦過去如今
我每無糧這軍馬且在祿肇池面上種二年田亦去
芒部種二年田再通東川種田二年方去白夷廝殺
我則這般要與他夷廝殺無糧難去既是東川通了
他必請將白夷軍來與他每就東川廝殺卻不省了
我每行路遠我每自種自喫著修營寨成家在東川
芒部池面上種白夷十萬二十萬軍來東川芒部納
與他人糧象糧馬草料與我每戰俺的差發不當白
夷差發卻當說與水西等處土官這東川芒部人祿

榮人你每休藏他走在你每地面裡隱下了不便與
你土官早前找買馬征達達他每不肯如今達達征
取了也他每不曾討馬助氣力到通子白夷說與衆
土官知道欽此本府今將

聖旨事意備云前去仰欽依施行

賜僧無極歸大理詩

春遊草木盡青青
覓法年年曾未寧
石徑雲穿霞入
樹江波烟罩氣橫
汀芒鞋護郁山花
嫩頂相馨香汗
水清試問去來人
指路上方雲谷幾
程程

暮行風暖漸寒輕
華萼馨香雨露青
一鉢養生兼覆
飯五天含性玉
王經黃梅嶺畔人
猶集白鶴林中刹

愈增幸際此時僧發日杖挑雲袖下窺層

達文皇帝遊我定獅山詩

翠落西南四十扶蕭蕭白髮已盈頭乾坤有恨象何在江漢無情水自流長樂宮前雲氣散朝元閣上雨聲收新蒲繡柳年年祿野老在聲哭未休

英宗皇帝勅雲南大理府知府劉烈勅

正統八年勅曰以爾廉平公正命長即治爾宜體朝廷簡拔之意益勵乃操益勤乃事表率官屬宣布總澤愛恤吾民審度人情因俗為治利所當興弊所當革盡心盡力必使一郡之民衣食充足禮教興行斯爾之稱所冀官員果有貪淫不法蠹法害民情狀昭

著者五品以上具實奏聞其餘爾即提下差人解京
其有罷輒老疾不勝任首亦開具奏表僚佐官及所
在衛所官或倚恃豪強非分害民明指實跡奏聞一
應公差之人但有生事需索為民患者即舉問如例
英宗皇帝勅諭雲南總兵官左都督沐昂等

正統九年勅曰得奏言銀坑年遠坍塌即今軍民缺
食困人採辦有妨也乎然朝廷重在恤人利非所計
頃因言者以雲南罷敵慮軍資民食不給欲因山川
之利以資官民之用今爾等具言地利人情如此所
得不償所費朕聞之惻然勅至即令舊停止與民休
息

勅改金齒指揮使司為永昌府

金齒僻處遐方因無流官撫治風俗頽壞軍民困窮而又外夷不時侵擾為地方之害近因雲南鎮撫等官奏請如洪武年間事例開設府治銓除流官以為經久之計今從其請將金齒司所屬永昌金齒三戶所夷民并附郭各里百姓仍舊設立永昌軍民府僉舉爾出身科甲素有不幹故特陞爾往知府事賜以盟書蓋重其事也夫新府之設與舊郡不同外夷之治與內地殊異非徒領以撫安而實資以控制爾須稽考制度創造衙門宣布條章立為一定規矩後人有所遵守其轄隸州縣長官司及各屬衙門俱照

都御史何孟春原擬計度人民戶籍多寡地星遠近
照舊為州為縣為長官司等另行奏請銓除降印行
騰衝司或改為州為縣為衛如金齒司亦聽爾奏請
舉行凡府中一應該行之事當備之物合用之人一
悉如內地若力有不給則設而不修勢有未可則
留以待後順其土俗之宜施以安利之政歸附者安
之使得其所流移者招之使復其業仍須時常戒勉
所屬論以大善開其善端使其遵守法度謹守地界
辦納糧差撫恤夷民所屬土流官吏軍民人等敢有
倚勢刁潑違法傲慢者爾須嚴加禁革輕則會同問
擬如律照例發遣重則奏聞區處爾受茲專域之寄

尤宜廉公仁恕奉法循理慎重行事務要軍民脫往
時剝削之苦感今日撫摩之恩地方寧靜永保無虞
朕稱朝廷委用至意爾其欽承勿怠勿忽故勅

世宗肅皇帝敬一箴序

夫敬者存其心而不忽之謂也元后敬則不失天下
諸侯敬則不失其國卿大夫敬則不失其家士無入
敬則不失其身禹曰后克艱厥后臣克艱厥臣五子
之歌有云予臨兆民如朽索之馭六馬為人上者柰
何不敬其推廣敬之一言可謂明矣一者純乎理而
無雜之謂也伊尹曰德惟一動罔不吉德二三動罔
不凶其推廣一之一言可謂明矣蓋位為元后受

天付託承

天明命作萬方之君一言一動一政一令實理亂安危之所繫若此心忽而不敬則此德豈能純而不雜哉故必乾懷畏慎於郊禋之時儼神明之鑒事發政臨民端莊戒謹惟恐拂於人情至於獨處之時思我之咎何如改之不吝思我之德何如勉而不懈凡諸事至物來必究夫至理惟敬是持惟一是協所以盡為天之子之職庶不負厥

祖厥

親繇是九族親之黎民懷之仁澤覃及於四海矣朕以冲人續承丕緒自諒德惟寡昧勉而行之欲盡持

敬之功以馴致乎一德其先後又在虚心寡欲驅除
邪逸信任耆德為之匡輔敦求善人布列庶位斯可
行純王之道以坐致太平雍熙之至治也朕因讀書
而有得焉乃述此以自勗云人有此心萬理咸具體
而行之惟德是據敬焉一焉所當先務匪一弗純匪
敬弗聚元后奉天長此萬夫發政施仁期保鴻圖敬
怠純駁應驗頒殊徵諸天人如鼓答楸朕荷天眷為
民之主德或不類以為大懼惟敬惟一執之甚固畏
天勤民不遑寧處曰敬惟何怠荒必除知則恭誠朝
覲孝趨肅于明廷慎于閑居省躬察咎儆戒無虞曰
一維何純乎天理弗參以三弗貳以二行顧其言終

如其始靜虛無欲日新不已聖賢法言備見諸經我
其克之擇善必精左右輔弼貴於忠貞我其任之鑒
別必明斯之謂一斯之謂敬君德既修萬邦則正天
親民懷未遠厭慶光前垂後綿衍蕃盛各爾諸侯卿
與大夫以至士庶一遵斯謨主敬協一罔敢或渝以
保祿位以完其軀古有盤銘曰棖心擊湯教曰濟一
德受命朕為斯歲拳拳希聖庶幾湯孫底於嘉靖
少保楊一清曾祖父母祖父母誥命
秦瓏祭文附
制曰天道佑積善之旅洎萃福于一門朝廷寵佐理
之臣每推恩于三世此事理之所必至法制之所當
行我有忠賢功成輔弼特頒異渥曷掩前聞爾揚情

乃少保兼太子太保一清之曾祖勝國遺才滇南舊
旅當

聖祖開基之日爲太平樂善之民力穡起家心實勤
于務本藏書遺後志尤切于考槃德備厥躬慶延於
後輟農業以從儒業縣家孫而逮曾孫一品班高與
九卿而絕席三銓任重冠百辟必擢忠其在國章允
宜推錫茲特贈爾爲光祿大夫柱國少保兼太子太
保吏部尚書探本求源旣已深恩于九地光前裕後
豈徒增重于一時尚承邦休永燕家廟

制曰錫類推恩國重追崇之典疇庸詔爵朝推輔治
之臣官班極一品之隆令聞建三世之遠祖德允茲

予聞相綸音均賁于泉扃理則宜然朕竊容愴爾獲
氏乃少保兼太子太保吏部尚書楊一清之曾祖母
善相良人郭行內則鉛華弗御甘儉朴以持身并曰
親操褐勤勞而主饋家庭感化端淑稱賢粵有曾孫
爲予名辟而戎破膽舊傳范老之風裁內署傾心今
服山濤之藻鐵勳階峻陟棄寵宜推是特贈爾爲二
品夫人休徵無忝于國恩茲惟其始懿範有光于家
教尚永其傳庶彼幽靈歆此明命正德九年十二月
十二日

制曰君子敦仁履善實自其一身之修天道錫福降
祥或至於再世而顯蓋幽明之感應若符節之合同

故晉公德澤必兆於三槐而竇氏陰功終廢於五桂
稽諸今日亦有明檄爾贈通議大夫都察院右副都
御史楊福山乃太子少保戶部尚書一清之祖父樸
茂不華真誠無偽義周貧乏仁撫孤嫠清白相傳家
世號賢人之族安恬自守鄉閭慕長者之風一經成
教子之功三即舉家民之政善惟餘慶踵此結聯正
大規模聳興瞻於百辟恢闊器識揚緝績於
三朝蓋惟厚其積而報豐故雖屯其膏而光輝屬茲
慶賚載示褒恩是時加贈爲資政大夫太子少保戶
部尚書潛德既遠而彌彰式弘佑啓國典有隆而無
替庸勵顯揚尚哉敬承永昭貞漢

制曰國家崇賢偁圖想治功詔爵贈庸佐既濟于八
座推恩錫類命宜逮于重閭蓋源流者必求其源而
觀德者必論其世彛倫攸繫典式具存爾贈淑人
穎氏乃太子少保戶部尚書楊一清之祖母質本端
莊性惟真靜化其閨閭惠被族鄰秉正道以相夫名
高里閭佐義不以成子功著即僚祿養空遠隔九原
而不作慶源既積歷再世而彌昌粵有賢孫爲時名
辟掌朕邦評成此茂勲爰惟報本之情載舉追崇之
典茲特加贈爲夫人衣冠不替益增門祚之光譜牒
有傳永示家庭之式懿靈如在渙渥其歆正德五年

十二月二十六日

制曰孝莫大於尊祖子孫懷遠之情莫重於推
恩朝廷舉彙崇之於蓋親德必先論世而教孝所以
勸忠國有名臣宦躋極品與頒異渥庸闡先猷爾贈
資政大夫太子少保戶部尚書楊福山乃以保兼太
子太保吏部尚書楊一清之祖父操行有常存心不
苟勸懲善惡著世德於鄉邦撫恤孤嫠溥恩惠于宗
師篤生賢子肇啓高門方期駟馬之能容遂見一孫
之登用班高保傅紫闥經綸茲惟先德之數遺肆有
勳名之震動載推卹典以詔來昆是特加贈爲光祿
大夫柱國少保兼太子太保吏部尚書夫道難誥惟
庇善之不棄衆規未賴尚錫福於無窮繫爾有靈歎

予時命

制曰朕圖回大治寵任名賢再世襲崇實本其素行之稹重闡遺貢亦繇其內德之資明倫所以敦化源錫類所以垂孝道稽諸古典厥有明徵爾贈大夫韓氏乃少保兼太子太保吏部尚書楊一清之祖母至孝天成貞心自守稟和令族婉美善人遵禮範以持象恒存警戒佐義方以成子勳切歲規眷此賢孫為予碩輔安危倚伏凜然社稷之臣朝野聳觀偉矣廟堂之器肆推異典付在司封茲特加贈為一品夫人議刑未泯諒昭示於無窮朕冀交通庶歆美於不替尚庶爾後益振家聲正德九年十二月十二日

少傅兼太子太傅吏部尚書 臣楊一 謹

奏為乞

恩祭掃事臣原籍雲南雲南府安寧州人臣父景錄
舉人任廣東化州同知致仕貧不能歸旅寓湖廣
巴陵縣臣年十二歲以明經童子舉於

朝廷父母偕來京師臣舉進士未一年臣父病故以
遺命卜葬於直隸鎮江府丹徒縣地方遂占籍焉
竊思萬物本乎天人本乎祖臣高祖父母曾祖父
母祖父母三世墳塋俱在安寧州臣既占籍江南
歲時止得於臣父母墳塋祭掃雲南遠在萬里水
木本源之念恒切於衷成化年間臣為中書舍人

之時奏蒙

憲宗皇帝准令回還祭祖今又三十餘年矣臣適因
三年考滿得

賜誥命推贈曾祖父母父俱如臣官曾祖母祖母俱
一品夫人恩渥深厚雖捐軀不足言報但念臣非
先世慶澤之遺無以致今日臣叨享原祿而使祖
宗丘墓蕪廢不治豈惟臣心不安臣父母地下之
靈亦必不安仰惟

聖朝以孝治天下凡京官離家十年者例許省祭顧
臣濫膺重任公事方殷義不敢及其私臣男中書
舍人楊紹芳職務頗閒堪以代臣將士伏望

皇上俯垂矜憫。令臣男紹芳給假回還原籍雲南。
代臣祭掃三世祖塋事畢。隨來供職。庶使微臣得
以罄孝思。天亦之誠。誓當勸躬盡節。以効涓埃之
報。等因。於正德七年二月十二日奏奉
聖旨。楊紹芳准回原籍祭掃。着馳驛去事。畢上緊前
來供職。該部知道。欽此。

維正德十一年歲在丙子九月己卯朔越六日甲
申。孝孫男少傅兼太子太傅吏部尚書武英殿大
學士楊一清謹遣嗣男中書舍人紹芳。敢昭告于
諸贈光祿大夫桂國少保兼太子太保吏部尚書顯
祖考府君。

誥贈一品夫人顯祖妣韓氏之墓曰維我祖宗父母
樹德深厚不自食其報而流慶於我後之人故一
清之闇勞幸以虛名誤蒙

朝廷任使致位三孤通者仰荷
聖恩賜之

誥命贈封三代俱一品崇階追念本源曷勝感慕顧
以下居鎮江先世丘塋遠萬里自成化丙午年
奉

命戡省之後違今又三十年松楸蕭然蕪廢不治興
思及此良用疚心既歲大臣義當體國不敢恤其
私茲請於

上允令男紹芳代歸祭掃并騰所奉

誥詞三通燎之墓道以表馨孝思一寸之誠仰冀遵
靈祇服

寵光永慰幽壤又一清去年以迂臣論薦謬登內閣
任大責重孰非慶澤之道茲敢附告維我大伯父
三叔父燾母孺氏四叔父大伯兄二伯兄三伯兄
同茲鑒饗

右文襄公冢上碑刻訪之友人朱觀察化孚得之
其一唐戒不可辨者數字闕以俟補觀察季來言
墓道荒蕪珉石在荆棘中剪棘除苔倍費人力又
不勝柳下季卞忠貞之感孺公于錢氏曰母俾樵

牧愧其後昆敢告司牧矣

賦類

金馬山賦

尋叔炳靈房星聚精起鴻蒙而合秀倏凝結而成形
此金馬之山所以直訾陬而奠昆明也歟在昔神禹
受命爰分九區表嶽鎮之崇崇隔方維之頓殊有岱
有華抗東西以屹若曰衡曰恒界南北而截如曠哉
梁益併包坤隅功不假於疏鑿地獨鐘乎膏腴起層
巒之嵯峨控南滇之故墟嘶谿衍之崑谷駕綿邈之
方輿造父固莫施其銜勒王良亦難範以馳驅觀其
蔓草垂駿尖峯批耳白月懸瞳青松掉尾漬赤潘以
湛露流汗溝之邈迤錡莫待乎棠溪產非資於麗水

形類騰驤之騏驎勢似振鬣之駉駉過日影之須臾
磨蒼昊於尺咫迨夫噓氣成雲噴沫起風障泥炫熒
熒之彩霞擎纓繞煌煌之流虹迅雷張其猛烈疾電
助其威雄瀉甘澍以注下卷拳毛之濛茸疊獻益翠
巔崖增紅洞扇啓鹿閑之弘敞鶯聲響和鸞之玲瓏
萬騎仰觀而辟易羣夷睨視而驚冲至於皮棄歸蘿
宮堯裔萃或亦如驚或驟若爰峻拔天脊峭削風骨
翳翳森爽隱轉嶮嶇杳橫亘於百里擬長城之砢砢
是宜拱帝京之尊嚴障大藩以寧謐也或有野老詰
余而言曰子徒見其小而不窮其大知其名而不究
其實吾將為子陳之玄黃筆分紙生蚩蚩若魚若蟲

無識無知聰明間出命為君師立一代之典章成四海之雍熙嗟惟此邦視為外夷境荒荒而泯泯水漫漫而瀰瀰姚如置之不卽顧問商周鄙之不遑保釐俾昏迷而弗悟竟風靡於侏儒楚命莊蹻辟地遠來自王於滇顧瞻徘徊君臣之分少足天叙之典未諧漢武奮志勞民費財命張騫而遠出弭使節而壅回亦有孝宣不務大體慕神帷之恍惚行煙祀之賁禮王褒馳驛而西上僅致一奠而乃已遺祠廟於崑阿謾冥搜而遠紀唐畏嗟顛之跳梁宋限大渡之涯淡元雖小康亦何足齒倚歎

皇明撫有萬方聖武神文魏魏堂堂既底寧於華夏

遂有事於戎荒

命矯矯之虎臣揮天戈而奮揚直指雲南掃除撓槍
截長鯨之鬣鬣剝妖狐之肺腸顯允黔寧知勇忠良
威已施於戡定思復盡於胥匡化強梗為禮義變椎
卉為冠裳揖讓之風濟濟弦誦之聲琅琅詔述前烈
適有惠集招携貳以誠信銘頑器以慈祥國公繼之
綱紀益張載平安南功業彌昌總制仁賢淑旂綏章
未鎮來臨克柔克剛致遠人之盡服邁前哲而有光
俾金馬迺然而特立與碧鷄相對而相望小姑息之
衆元陋怯弱之漢唐夫然後知

皇明之盛德冠古今而莫不紀昭靖之殊勲垂悠久

而不忘余聞其言拜跪嘆嗟遂為之歌曰金馬之傍
分有稻有杭金馬之陽分有郭有城臣宣旬其善政
分民勤事乎農耕咸失心而弗渝兮願永享天子萬
年之太平

石淙賦

遂菴楊先生應寧先世在雲南其地曰石淙及游嵩
邑陵卜葬京口皆以名其所居其入而仕于朝出而
官于外謨述題賦亦以宣名繫之文字之間亦不忘
也予嘗泛大湖渡長江山川情狀繫予心目雖未獲
觀所謂石淙者愛其名悉其所懷為述短賦主於體
物叙事兼此興之義固不敢擬古作者然同心之言

同聲之應君子或有取焉其亦先生之意也哉其辭
雖繁山骨分峭嶒中潺湲分水聲初澗涓以洎滴忽
凝泚全研鈞或在遠以疑近愜自留而徹明感天機
然一觸衆竊為之不鳴信江南之絕境乃物類之至
精彼瀑布兮可擬曷蹄涔之足稱爰有三南居士比
象引義取石淙以為名客從湖南而過者曰此非洞
庭之波乎碧浪千頃青山一螺揖靈秀於衡嶽激清
風於汨羅昔子之旣非旣弁來游來歌興懷於其水
之丘寄迹於此山之阴揆風景於毫芒繫孰必而孰
多居士不答如茲淙何又有自滇南而來者曰此非
昆明之漪乎平地仰噴從天下垂建長江而直為指

瀚海以同歸昔子之乃祖乃父生斯養斯修星移而
物改方挹彼而注茲訝江山之不可復識仰疇是而
疇非居士乃撫然而嘆曰嘻有是哉吾固知石之爲
石崇之爲崇也吾方手拊鏗鞀耳聞春撞應噫氣於
大塊引希音於清商挾涼飈以助爽與皓魄而爭光
達大觀於無外諒至美之難雙蓋將濯纓乎萬里之
流振袂乎千仞之岡若乃東山在吳以象舊邦東坡
在黃遜名四方彼二東者之緯績豈三南之敢望且
夫石者吾知其爲堅崇者吾知其爲激匪徒觀物以
適懷抑亦將身而比德蓋將礪我粗鈍錫我伯癖滌
塵垢於亡情漱芳華於不籍嗟人生之有涯見道體

之無息彼群分分類聚何物非分太極殆不知石之
為淙淙之為石也於是二客乃携酒與琴游於梁上
荆班襟生絳歌迭唱比南俱失至賓皆亡慨聚散之
殊塗顧行藏之異上三人者各適其適不知其所
鄉也

萬象洞賦

王逢表

其辭曰楮材西埤豁有洞天蕭方迴篋豁石攢延衆
鳴響在磻桑鼎駢閉閣幽徑降帝揭僊都高人之丘
壑時時見其礪研乃建標以雲護或盪燐而羊眠暇
雉旂以凝佇覺穀穢而欲翮襲蒼蒼於溪間啓幽
而莫捐癸丑秋秋數穀既收官有餘職民無纖愁憂

達構戶奔臺危羞黃代巡倡其朔蔣兵憲維其休晤
會眺望繾綣綢繆南明是謚鐘磬倏流嗣靈嘉牘嘯
我勞傳於是遯園遙發棠蔭末留嚮序三五翔觀好
毬有才有德如春如璆懷宸宇而寧域撫煦嫗而溢
謳者非主乎文旆映日笛聲倚樓坐瑤花於冬霽飛
逸興於芳洲者非客乎吾則老鬢飄風傲骨凌歲持
蓮觴而酌醴醑莽而以昭契於是入洞而遊伏洞而
睨瑯琊而消滌綴不可削也綿續鋪而秋溜墮不
可曠也虎豹蹲而山鹿齋不可觸也珉墉睨而鴉蝠
憇不可相也竇旭麗而藤綠蔚不可剗也華蓋微而
龍伯隸不可儼也清虛明虛首與隱玄上王者與金

壇丹霞者與天緇淳甯埒始幻開委輸靈寢煒炭燐
坊豈限漢溪沫之後寶壘境而杆埃文藻煥類之日
帝顙界以培材者與盤都廬躍朱鬣鳴箏辭振鼓鐸
粃焰臣瓊奕聊覓摘饒啖腦噀唱香囊配海蛤玉甕
客懽洞與人兼整冠謝歸壠影斜彈杯茗相簪不嫌
志饑趁趨羈羈與騰馬飛響板檫以逢遜時檢卷於
萬扉想環壤以再往憚多露之濕衣感情惻之彌篤
聊染翰以寄微

戎旅賦

恭承恩謹兮於役滇越捐珮江皋今解紳雲閣三陟
崔崔兮九折黜黜不日不月兮遂屈窮髮撫孤旅而

惻隱兮憐衆困而愁心悵圭箒之駸邁兮逾聖德而
迄今父母孔達兮懿親離而北南類連遠而分衢兮
似同波而殊濤慈烏忻於共巢兮恒鳥悲乎異林緱
織羽之微族兮亦命侶而踟蹰何生人之含靈兮乃
離群而弗如詠清人之介駟兮感放古之鳴鵲姬公
畏於燭耀兮尼父惜夫螻蛄屈託乘於螭豹兮莊寄
徑于魑魅在聖哲而固然兮攬古人而重歎哀吾生
之罹卸兮背中土而墮荒粵戴盆而伏甕兮望崦嵫
之未光神悅恨而蜚颺兮刑鬻卷而愴囊睇孫水之
浩渺兮瞻靈閔之峻極聆猩猩之夜啼兮履拂拂之
朝跡昇終古之似居兮問祝融之昔宅胥靡登而不

懼兮魑魅遁而奚懷嘯噪颺兮含沙影流唱茲徂
春兮忽焉棲秋月兮殊於和州兮瘴毒華而歲閏若
有人兮好我携昔酒兮思柔柔檳榔兮綴芳留贈相
離兮結忘憂寒鷄鷄兮為脯露江魚兮為脩瀝歌兮
囊無白刃逝兮玄景浮獨持觴而懷遠兮雜歎歎其
向歎遂還軫而休室兮隱零雨兮寂夜孤簾枕而聯
寐兮達夢歸乎親舍家人喜以疑語兮閭里紛其來
訝衆鷄鳴而驚余兮晨光物乎東射悵夢歎而覺悲
兮淚承睫而交下假靈氣以歷占兮援龜頤兮余謝
曰明達其布德兮予行歸乎肆赦系曰莫靡荒服自
中古兮日月之表燭不普兮章亥步窮禹罔睹兮蘭

津關道行商苦兮碧鷄望祭使者阻兮余亦何為悵
此土兮金躍不祥順勿忤兮樂天知命去何憚兮

滇南賦

俞 縉

滇南草木予嘗慕司馬子長之遊恨其時初事南服
心參體倦役目聘耳未足以盡其大觀也慨然言於
西蜀石潭先生曰夫人居勝地則其志詡其御遠處
偏安則其中屈其氣索此牽輿地者也又讀帝系舜
以諸馮而繼命西伯岐山而造周為之而已曷與地
謀此係乎人者也先生以余歎處滇者乎請誦所見
聞而先生就正焉夫滇之處絕鎮也地衍西南之域
天大井鬼之分肇自巨唐宅西於昧谷禹貢導水於

南溟莊騎捷衆而可王旣又通五尺於龐秦迄乎漢
氏置五郡鑿昆明張壽之通西徼諸葛之事南征控
八域於神州闊萬里之煙雲廓瀘江而為門掘西緬
以為塞接交益而並峙抗崑崙之重阨槃乎數陸之
所湊族類不減乎中土或炫爛之怪錯奄八區而會
五於前則跨帶交趾連延南海危巖撐空懸石雲霧
谿汨汨而渚流谷掩掩以伏偃途迷迷乎橫宇亘萬
里而愈遠於後則捷躡吐番枕騎石門崎嶇踰跌要
害之也北指轅以岷巴復遠御乎隴右背長江以為
塹還九賧而錯繆於東則石綿施鬼萬壑所充嵩麥
屹岷肩鼇柱空涵沃墊於千里負天限之閼垣引長

渠於二廣卻風門於辰沅於西則遙制八百控有孟
密老槎肢屬於崖附藉

皇圖遠攝乎遐陬犷悍馴擾於

帝懷恒懇懇以納款又何間乎蒿萊其封域之內則
夷險崇卑雄據千里長林邃谷屏嶺塹水蓋將自其
大者而觀之其山則龍盤鳳翥虎踞蛇伸岡巒拱衛
翠壁霄青左哀牢右太華陽爪有天耳之扼隘銀生
連鳥篆以接霞牟尋所岳之點蒼玉褒使祀之金碧
青蛉崇峯修谷成會要之區柘南嶺嶂摩雲為控扼
之邑於是乎竹箭綠壑楊柳臨岸傍抽林樾松栢桂
幹梭羅婆羅之殊其華棠梨榭子之貧其實紫榆杏

櫻椒檉杉漆木蘭椿槐櫻李桃栗園桂之馥秋馨霜
梅之傳春信乳標爍爍而騰霞安息靄靄而雲噴卉
則紫花白蓮素馨杜鵑薔薇芍藥芭蕉紫萼青蘭谷
芳於幽谷山茶蔥鬱於峯巔蔓修藤吐種種奇葩有
標其葉有為其華或經秋而傲霜或蒸日而拂霞爾
乃孔羽珮翠鶴頂冠硃雉雉稟素鸚鵡人呼蛤蚧穿
其木鸛鷖鳩其陰寶樹巢珊瑚之鳥苔山來鸛鶴之
吟鷹隼驚搏鳥鳥反哺白鵲於飛翡翠噪霧子規東
作而促耕燕雀趨暖而春至迴鳴鴝鵒止乎其內
獸則熊羆咆號於深林虎豹長嘯而風烈夕羊畏露
狡兔迎月猩猩夜啼猿猴競捷松鼠之攀綠神鹿之

隱穴犀象嗽牙豪豬刺簪麝狐假威麇牛踞山踞
乎其間玢則有琥珀丹青珠珎瑕英金沙銀礦澤
石炳瑪瑙珊瑚絕蘊寶井錫鐵銅鉛石綠碧瑱果
則無花猩猩胡桃松實栝櫟無柯南棗刺棘檉類
香橙繫累金橘密捕獅頭同族異育羊桃檉攬柿
榴禦霜或託根於崆峒之陰或華蔭於圃園之陽
其浸則瀟池嘉利滄水海澤異龍陽宗之湖撫仙
星雲之陵瀝滴漆淫會其流涓涓決瀆成其大
牧湫澗鬱浮空滿拜嘔噏百川洗滌塵隘若乃秋
月懸波五風轉幌飛沫起濤搏浮溢浪大明當天
彩雲蕩漾溟溟濛濛色連霄漢又若浪滄麗水金
沙沅江橫襟環帶山陵懷

案圖淵九迴以懸騰溢流雷响而電揚長江決渠峻
端崔嵬盤渦谷轉凌濤山頽渾淪浩淼乍范乍堆爾
乃泄酋湧颺於浚井採山煮水於鹽池內帑輸賦臣
商擅費於是乎蛟龍隱灘鼉鼉處水乃見怪物興雲
致雨其族則有長鯨天舟修鱣吐沫金線竹釘水母
蚌蟬江公大頭蜆螂細鱗鯖魴鯉鯢螭螭蟹蟹螺螄
蝸蝓目蝦噴電鱗甲錐錯與爛錦斑沝回順流魚噉
沉浮其四埜則立埜埜衍原隰陂渠溝洫暇吟黍稷
離離池塘既隩高城深池闔議啓柝江梁濟水寢廟
綿五世之勛巨室端維垣之矩喬木蔭蔭朱黻靡靡
其居民則高門昂貴魁岸豪逸流寓多齊魯之昆戎

達米吳越之裔其間雖有毒猿烏蠻楊獠号慄惟構
巢於崖阿結茅於山脊友麋鹿之與木石竟莫伍於
塵市觀郊隩之富與寔京邑之綱紀帝王之外援開
國之弘宇斯蓋宅土之所安業觀聽之所溢美此其
大較也然此特山川之粗也若乃天有至粹地有至
精協昭宣名世挺生施全之傳毛詩許叔之授五經
張隆之墓搜孤兒楊惠之孝感神明文章政事蔚
若王昇風裁稟然燭若張叔董文彥美以拒賊死雖
陽之忠呂季平誓不附雍茂子卿之獨傳寶南州人
傑仲宣齊名經術張英身代時勉之罪郭文秀發相
如之曲和光道人廉惠先生取于利祿居恬政明又

若喪字釋蝌蚪之文筮師精卜數之機參宗通審鑒
之書草書綴義之之帖義若用之節若方死出將入
相若之清字死善道若繼魯達璧剛直不阿有澄清
當世之志希載博雅修潔達極弱亭屯之體近則則
嶽炳靈風氣勃發英雋迭出未可枚舉當盛世而擅
名稽海內而為擬是故游談之樂譽景行若之仰止
石澤先生喟然嘆曰壯哉吾子其善游乎余舊有左
於是繼之琅琳實獲我心滌我之沉疴為我之靈
襟奇於怪怪眩恍奪神而今惜其去予之而湖剡也
漁雲子怫然不懌曰石門剡閩王已綿洛楚王夢遊
之陽臺大禹黑水之疏鑿氓氓投之以野抱江潭藉

之以提廓物不終聚復云駕言法然淋淋不知其然

貢章賦

郭文

金沙之源發西域衆派合流深莫測噴烟捲雪走萬
里紫壘絡緬南歸極平原靡靡望不盡海嶠遙峰一
絲碧何年貢章城雄壓江之側堯碑為門木為柵二
水迴環猶拱壁犀且及魚鹽雜沓來諸國異服殊音
類非一市貿紛紜互重譯利之所在勢必爭豪酋攻
奪歲靡寧瘡烟漠漠遠克日炎海洋茫茫隔使星麓川
叢爾寇乃敢窺邊城

王師振武飛雷霆動搖坤軸掀南溟鏖形鬚首總帽
服丹裳推髻威來庭白纓紫綬箱篚盈筒茶樹酒陳

縱橫有象動千百駢立馴不驚朱鞍白蓋黃金鈴
戎馭之扣馬行象識義語隨義情草樹足異色禽蟲
多怪聲嚴冬蛇走宣蚊蠅夜寒扶續晝締絃瘴毒中
人如中醒吁嗟漢壤戎彼此皆蒼生一為風土移習
俗與性成我願天公驅六丁盡將山嶽填谷坑坐令
八荒如砥平地無南北交化并同歸熙皞為王祇鳴
呼同歸熙皞為王祇

盤龍山賦

唐克臣

西南異區滇雲僊界肝潭凝結而為山佛崇陟之相
儼若金馬與碧鷄雖漠祀而時異靈竊為釋迦栖禪
之嵒鷄足為迦葉示誡之地信足以耀靈於九垓而

相雄於載記也然豈盡章其懿也哉晉寧之東有盤
龍山焉陟奇峰之所徙拔寔神明之所扶持層井鬼
以成形託坤維以奠基礎唐賴顓神磔厓厲喝峭岭
嵒駭駭逶迤摩赤霄接紫微抱回谷頻深豁五龍蟠
曲而瀝潛靈湫渟泓而瀟瀟鬱萬松之虬旋森古栢
之奇矯長風中起而怒號疑波濤之在樹杪於是王
睢鼓戰寒暄鳴谷鷓鴣催明交鶯變旭猿猿攀條而
上下麋鹿犇踉而突觸風飈兩瀟霄馳畫逐旬迭奏
於笙簧迅交擗摩梭袖至若珍怪瑋美物其窟天濛
神漢涌其汎石髓芳芳曜其趾瑤草金光沓其達蓋
繩精英而產環異真將與虛阜埒秀而齊輝爾其陽

景震開霧縠盡息天字澄空四眺無極森平原之莽
夏望蒼翠之如紙環紫溪以為帶北羣峰以成櫛王
案牘若峭壁金沙湫渚丘垤螺隱讓之以為宗鷄馬
格之而無色爾乃海勢騰騰鴻波滂汗浴羲輪而漾
暉蕩明霞而變幻迴疊嶂之雲聯劇錦屏於遠崖蜃
氣呵嗽而矐然亦髣髴而乍見至若川嶽獻靈龍駒
瑞淺儼踞跡於山麓不知其幾千百歲遠而瞻之似
解珮遊漢川迫而察之似寒蟬初變曉隱而探之似
蛩昇輝印斗顯而低之似若華光耀曳緬渥水之魚
奇烟嶺詭於荒裔故綸氣之所感召抑山林之所點
綴粲自比丘崇熙者攝心了義栖真其間世可元季

雜草開林緝宮弘構真宇氣連設御象之座樹七寶
之幡殿黃金之地拓白玉之田陟翠微於上方屹蒼
臺於雲端度經藏於貝葉塗林櫟於梅檀清梵與金
音而並響慧光與晷曦而其縣施清蓮之法雨幢翡
翠之祥烟爾其融火初銷辱收方啓金甍薦涼携僧
結侶指天企於東岑度龍橋而抗趾冠以白纓之中
著以雲飛之履飲以八水之甘拾以三花之蕊捫蘿
簞以遶步弄霏烟而徙倚於是緇流集幽懷參妙旨
採塵坐蕩悟短劫之無多苦情埃之爲障汎覺海之
汪洋乘寶轡而容訪幻人法於獲忘超一塵而直上
庶幾虜生滅之具無或可以邀太初而闕無相繫茲

山之靈秀諒無當于蓮峯翔招提薈薈起聊以關手
鴻濛搜靈鷲與鷄足洵昂峙於黔封應地靈而崛起
者千百世而下誰足以大倡厚玄風

山茶花賦

唐兢臣

撫土繁葩品而山茶最奇十月即放蓋中原所未有
也然鮮播之詠歌者余觀往籍陳思有芙蓉賦鍾會
有菊花賦張協有石榴賦虞繁有蜀葵賦宋璟有梅
花賦古金艷焉余效之作賦一首雖極意敷揚殊未
盡體物耳

惟新寒之啟候兮歲將暮而凝寒嚴風凜冽以振楚
兮霜霰集而蒙覆草木摧落而變采兮詩蕭瑟於林

端梅欲綻而須時兮菊東籬之既殘徇窮律之黯澹
兮慘存展而歎歎爰有嘉樹植自滇域天集紫巧地
麗殊色抽神絨與鬼秘宛葩利而萼刻詭狀異態莫
之肖測或如粉傳或如珠串或如磬圓或如榴燦或
如赤玉盤或如絳紗幔或如鶴頂之丹或如火齊之
餘稜稜兮翠葉是誰兮勻斲縷縷兮金粟是誰兮案
絲旣逐辭兮心分復惹烟兮條悞其未開也扶疎磊
砢蔥蔥青青葢桂樹之冬榮迨既開也輶鞬陸離煌
煌葩葩恍飛霞之爛曼覲東皇之未轡兮絕朋援而
先芳冒雪霜而吐豔兮適蝶凍而蜂僵眇南枝之纖
素兮占春林而偃僵矧陰晴之靡定兮遲麗質而相

佯爾其朔風飄飄乍起乍伏旖旎婀娜周彼飛燕則
昭陽之妖舞也薄暮霏微溟濛沾灑淋漓絳玉辟彼
太真則華清之洗沐也晴曦斜照揚輝蕩采掩映光
華辟彼西施則越溪之浣沙也皓雪飛颺瑞封營積
縞粧艷冶辟彼文君則臨邛之新寡也震雷倏撼披
靡幡纚秀墮芳躁辟彼綠珠則金谷之墜樓也於是
群芳慙且不知所營香蘭之執楚畹葳桂之生淮南
芙蓉之名益都牡丹之盛維園與夫海棠芍藥桃李
山樊或體裁么麝或標格瘦清或摧砭冰雪或墜落
風塵恣朝馳而夕謝兮節歛變於冬春題名葩之冠
絕兮豈望乎等倫君乃畫閣雲連彤軒拋陰多礙

平臺別開三徑倚緋英之灼礫與交疎而相映綠筠
翠栢助其精神朱絲玉筵添其風韻於是布几筵集
賓客呼妙妓燕良夕曳文毅以踟躕兮戴金搖之騰
睎揚北里之遺聲兮紹陽阿之清越雜蘭羞以兼御
兮飲瓊飴之僊液笑簪朵於雲鬔兮顏玉山而未歇
若夫幽崖古剎岵嶇之巔梳店孤邛寥廓之地墊况
淒涼一株衰植寄穠艷於清冷發輝光於顚顚卒使
孤賞者握管而沈吟趣行者絀馬而留滯緬有亭之
龍渥兮興傾圜而交驪泊蕃禧之表識兮名歷世而
周葉胡奇英之微說安矣方而自安良璧產於荆山
兮周氏抱而長嘆騏驎困於虞坂兮望伯樂一眎之

為難慨遭逢之有數兮效達人必自寬豈知希之我
貴兮養壽命於碧霞龍曰姑射仙人霞綃帳寒風篠
雨滇雲至愛此山川恣游戲化作花神顯靈異賁隅
之種亦奇特比之迥然霄壤別格外丰姿豈易貌袖
毫誰是茂陵客移栽上林不可得器與西南莊顏色

頌類

移金馬碧鷄頌

持節使王褒謹拜南崖敬移金精神馬縹碧之鷄處
南之荒深溪回谷非土之鄉歸來歸來漢德無疆廣
乎唐虞澤配三皇龍見兮白虎仁歸徠歸徠可以爲
倫歸兮翔兮何事南荒也

原文縹縹碧鷄前兩志俱作縹碧之鷄疑傳寫之
誤近見謝公渙畧亦然或別有所祖姑兩存之

平雲南頌

王景常

聖天子之御大歷服也維清緝熙載敷武功盪攘群
雄混一函宇於是偃武修文與民休息雲南弗庭遣

使招之遇害洪武十四年秋

皇帝君曰天厭元德土宇瓜分朕奮起淮甸爲生民
請命鏖戰番禺江漢以清捲旗東指吳會電掃皇天
眷命正位宸極爰整六師北定中原河南山東不戰
而下元君比蹤九鼎南遷秦晉景附蜀開洞開兵不
煩刃今雲南叢萌之地犬羊相保梁王栢匝刺瓦爾
密戕虐我信使凭陵我郊保君不及時過一何答上
上天之眷慰黎民僕來之望哉乃命潁川侯臣傅友
德西平侯臣沐英永昌侯臣藍玉等將鷹揚虎賁之
士凡三十餘萬騎萬匹聲罪致討七月禡于龍江樓
船蔽江旌旗亘天水陸兼進星流電邁既至湖廣分

爲兩軍大軍道牂牁路夜郎平普定奇軍縣羅佐關
擊可渡河奄至曲靖疾若風雨所向輒克土酋蠢屯
獸挺莫敢格者未至白石江十餘里大霧四塞元司
徒達里麻拒江自固我師輕騎長驅掩其不備先命
千騎從上游草山襲其後平旦大兵泅水徑渡達里
麻麾軍布陣未成列我師徑前奮擊其陳遂亂達里
麻走陷於淖生擒之俘斬將士若干人雲南兵大奔
東勝遂之征南分軍擊烏撒東川敗蠻四萬僵屍蔽
野遂通大渡河奇軍始至西平永昌率大兵趨雲南
而梁王聞敗棄城走晉寧歛鳩辛雲南平自出師至
是凡百餘日得府州若干戶若干馬牛軍實無筭承

制建官大軍鎮焉明年分兵下大理下金齒下臨安
元江凡雲南故境皆郡縣矣又明年遣間使降車里
降緬降八百咸以壤首貢洪惟天兵不決十辰東抵
詳牂南著交趾西喻土蕃北介神州幅員萬里悉臣
悉妾何成功之速哉蓋

皇帝文武神聖煦為春陽肅為秋霜綏之以仁摩之
以義混混乎內之於泰和元氣中使其民熙熙以翔
皞皞以群得覩中州文物之懿太平之樂而不知沐
聖澤之深也上自漢唐以迄於元霸靡而已乃今維
持鞏固典內地等信乎王者之無外也又明年班師
振旅定功行賞諸將以下皆進爵有差於乎古之有

盛德大烈必形諸歌頌皇風興太雅作草茅微臣不敢多讓臣景常謹稽首頓首而為頌曰

皇明

御天統有萬方際天蟠地武功煌煌三辰耀靈海宇
聿清叶氣嘉生蒸為太平蠢茲蠻方稔藏奸兇恇恇
攘攘以襲天常乾坤之量海嶽是包彼昏而狂誕敢
叫呶皇赫斯怒爰整元戎吉日載戒車攻馬同於鑠
王師暨暨桓桓天討是將震攝百蠻兵無留行勢若
迅霆日星晦霧江海弗騰鷹揚曲靖俘彼統酋征麾
所指載歌天休戰不貪殺殺不卻降斥原踈蒞以迄
用康大勳聿逋崖玄崖黃拓禹之迹維周職方表方

建宮基布星分位位大城以奠其民封豕修蛇以變
以化昔也楔偷今為鴟鵂載駟載伐戈鋌不腥而金
犀象罔敢弗庭凡此南功將臣食同維一乃心上昆
帝聰大烈之龐超漢軼唐風霆流形天地翕張會期
清明聖化基之萬國一統坐而釐之草茅微臣作此
頌焉武功告成

天子萬年

中丞楚鄂周公平隴川頌

馮時可

隴川多氏故我屬藩日昔

朝廷以甌脫地封爵樹為曰庶其我藩而禦彼不庭
耶迺安民懷匪茹叛投緬當寧若務包荒呼使獲竟

陽應陰背信信如故踰年中米周公至曰彼豎故我
所師翼若華其來心可貴也復招之不悔禍據蠻澤
侵遼東與蠻育又糾邦抗蠻曠等蕃相畔換前守將
稍一劇遂逞螳臂抗我顏行為大邦讎矣公曰彼不
恭若是可再別耶會指鄧公力主討請於

朝假便宜公集衆議僉曰虜甚熾非十萬不克公曰
師多則心不一力且分別集須曠日首得為計益引
敵不如用寡而速決計卒二萬餉三萬完茲役矣箇
所恃虛萬山巔上刺天下臨淵與蠻莫迤西木邪猛
蠻相錯如織可與陰陽而延喘息以待緬尾即使我
師幸勝不習其蹊竄窟穴不難乘瑕隙復息嗥故終

持不下公既決策先遣卒據其扼塞而以大衆直搗
其前賊方覺我師已與共險要而資其未斂輜畜矣
百道進攻勝氣百倍賊猶嘆唱同守待援及我師再
敗其與國相糾結者彼遂奪氣不能軍我師爭先登
門焉連破七柵諸賊請縛不暇元凶遂授首將士傳
公旨曰我所罪者安民一人勿窮芟刈師興十月甲
子越十一月甲辰告捷餉三萬費不十三四滇人若
不知有兵吁備哉人臣任封疆務莫安鞏固耳何求
灼然功有功則已後且有受其傷者故得已不必有
功不得已斯不能辭功得已而功其功或為禍不得
已而功其功始為福往時夷酋無譽或信將吏言激

之使寡不憚盡力草薶禽獮之然往往勝不贖敗而
得不償失公曰夷夏殊覆載均耳我非仇隴彼求解
而解之彼干刑而刑之我以君喜怒以民喜怒不以
我喜怒也故得已而不功公始事之仁也不得已而
有功公成事之義也一時將士奉公德意不恃額額
恍恍無爭首虜以妄誅鋤遠邇內外莫不夷憚蓋余
觀于公恢恢斤斤舉巨覈細儼然宏大君子也勇為
善而耻為名勇為肩而耻為倚盟心暗室披肝大廷
斟酌元氣叅伍于忠厚正直而無偏勝無隱伏故茲
舉也以王道行王師以嚴翼整暇濟以神奇捷速非
常試僥倖以圖成者倫歟至日直指公首唱凱歌文

武僚佐以下和者若而人曰凱者豈也也戾氣消
善氣集莫樂何如時可至也後未及興盛典敬爲誦
以志其盛

誦曰於照我明式廓版圖九服六師聲教遐敷惟彼
滇孽宅彼坤隅唐季以茲負固久通有明耆武拔如
摧枯鞠瓦我臣三宣我奴箠羅屏障莫敢毒痛維解
網弛尾變爲羈隴人適頑亦侮凶趨宇將誰何遽張
乃弧戕我邊卒侵我外郭公來填撫克莊其猷曰此
狂豎文德可柔開以三面使曾不籌鳴張虎視角弓
弗觫公曰師哉其罪已屯爲次弗除焉射孰收虎符
甫發龍劍耀眸爰整其旅奚恃其饒我旗我旄長戟

酋矛擐彼嶮岐阨彼咽喉大袒高張密穴用揆鉤援
臨衝如岳如雲太白明明撓槍息氛亡柵既破三孽
如焚凶渠授首潤原膏瀆剪其根株蘼草弗耘乃裂
其土乃渙其群惟彼暗昧眊然始昨踈為冷風清為
涼雲狂焰熄滅善氣氤氲日月高懸天澤剖分山夷
水靜其流汙汙一方若孟孰敢紛紜武服既共露布
以聞

天子曰吁肇敏戎功惟我有臣焉

國股肱既猷既戒以修我戎不損五較就緒三農內
阜我財外固我墉用錫爾趾圭瓚彤弓策勳飲至凱
樂融融曼胡既解簪裾容戲稍舞劍角觥呈工分

斗揆醪湛露濃濃漢法戎索比耦相從睢盱貌易叩
溫譯重震赫鬼區濯滌神叢銅柱金城千秋崇崇

贊額

西南夷傳贊

唐司馬貞

西南外徼莊嶠首通漢因大夏乃命唐蒙旁浸靡莫
異俗殊風夜郎最大叩節稱雄及置郡縣萬代推功
五方異氣所稟不同維南極海曰蠻與戎惡我則叛
好我則通不可不得使其瞻風

翰林待制王偉像贊

本朝方希古

天眷有明勃然龍興豈惟智謀得人乃成其人伊何
匪將匪相爰有君子海內之望望既歸之孰能盡哉
彼王彼侯大小畢來惟華川公蔚其文雅位雖不崇

名動天下人知其名豈知其心我懷德晉山高海深

忠武侯諸葛亮贊

王啟

東京失馭炎祚無主四方龍鬬帝胄求輔公居草廬
日峨梁父三顧既頻許身翼羽中道受遺未復漢宇
五月渡瀘深入蠻土七縱服心豈在躡武南方既定
中原可取上表出師伊呂爲伍志雖不就名高千古
文獻公姚樞贊

前人

濂洛教彙中原左衽鞠哉綱常伊誰云任惟文獻公
生非華蔭上摻下淑羽剛以寢何事非君之仁誰禁
一言止戈杵臼不廕巍功在人史筆可噤

忠文公王禕贊

前人

浙東二儒公居其一邇流求源考亭同出惟公柄用
草昧之日燭火未收往說經術彼昏不知胡運已點
如狂肆侮卒乃見啞

皇赫斯怒爰戒戎卒直擣其巢取致斧鑕乃吊忠魂
乃詢故實血食有祠信史有筆我再拜公奚皇多述

忠節公吳雲贊

前人

忠文遇害公再奉

旨彼狂不知繼賊以死公初柄用六卿是齒其使漢
南匪因瑕累惟

帝知公遣降遺壘公執不屈死報

天子雙兔不歸遙遙萬里惟

國旌忠先後魏美程嬰杵臼同歸信史

毛給諫王遺像贊

楊慎

蚤捷甲科職司諫議性愜而剛色溫而厲冠服戔戔
威儀棣棣抗疏清時直節勁氣奮弗顧身獨立不懼
仁成一朝名香百襪鍾鼎勒勲汗青書事嗚呼先生
誠有以繼忠鯁於往詒而激謇諤於當世

穎國傅公文德贊

王世貞

天象西南乃生穎國惟穎之雄開平是則喑鳴震盪
兆衆辟易劍閣中夷昆池永關碧鷄再鳴白雉重譯
豈不崇封帝省其籍

西平侯黔寧英贊

前人

於燦黔寧戚均皇曹豪鷲神啓機權中秀王關師出
蔥嶺衡仆移兵佐穎樹績留後六紹稱一百壘歸湊
葦路雕編熊莊何陋世裔開府若若兩綬

張純贊

前人

張太宰小懾于霆擊而終安于雉經可謂不遠復之
未盡處死之道乃其數績滇雲飭躬銓部典迪肩衡
視瑞骨臭亦洪建之良臣也贊曰張公爲滇樂不可
友銘績鷄峯衡樞鳳池會是浮沉大僂不施枿心內
謀竟以完歸

漢志卷之十八終